

Latyn

Latyn is een Indo-Europeesche toale ofkomstig van de streke Latium (nu Lazio in Itoalië). 't Was de stad Rome die de toale over heel 't Romeins Ryk verspreidde.

De toale is beïnvloed gewist deur 't Etruskisch, woavan da 't alfabet overgepakt is, en 't Grieks.

Geschienisse

In de loop van de 2de eeuwe v.C was 't *Klassiek Latyn* de literaire toale. De toale werd gestandaardiseerd en achter een ende begost 't vele te verschilln van de volkstoale die geklapt wierd, 't *Vulgair Latyn*. Uut verschillige van die dialectn zyn de Romoansche toaln oontwikkeld. D'oude traditionele toale leefde nog een ende voort in 't *Middeleeuws Latyn* da neffest de volkstoale gebruikt wierd in de kerke, de literateure en de weetnschap.



Latium (nu Lazio in Itoalië)

Gebruuk van Latyn nu

Den dag van vandoage wordt Latyn nog gebruikt:

- in weetenschappelyke termn
- vo d'officiële noamn van plantn en beestn (vb. van Linnaeus)
- in d'anatomie
- in de katholieke kerke
- in Vaticoanstad

In Vloandern wordt Latyn nog assan angeleerd in 't algemeen secundair ounderwys.

Nederlands is e Germoansche toale moa toch kommn der vele woordn van 't Latyn, lik de noamn van de moandn. Ook woordn lik *zolder* < *solarium*, *kelder* < *cellarium*, *veinster* < *fenestra*, *tiggel* < *tegula*, *stroate* < (*via*) *strata*, *wyn* < *vinum* zyn styf oude leenwoordn.

Ook minder oude leenwoordn uut 't Latyn lik *idem*, *post scriptum*, *ad fundum*, *ad rem*, *curriculum vitae*, *status quo*, wordn nog assan gebruikt.



Latyns handschrift



Ofbeeldiengn die ier by passn ku je vien in de categorie **Latin language** van Wikimedia Commons.

Boovnstoand blad es vo de latste ki veranderd om 21:23 ip 26 dec 2015.

De tekst is beschikbaar onder de licentie [Creative Commons Naamsvermelding-Gelijk delen](#). Er kunnen aanvullende voorwaarden van toepassing zijn. Zie de [Gebruiksvoorwaarden](#) voor meer informatie.